

## S A M Þ Y K K T

209

30. nóv.

## fyrir vatnsveitufélag Hellu.

## 1. gr.

Félagið heitir vatnsveitufélag Hellu. Heimili þess og varnarþing er í Rangárvallahreppi, Rangárvallasýslu.

## 2. gr.

Tilgangur félagsins er að sjá þorpinu fyrir vatni.

## 3. gr.

Skylt er öllum þeim, sem hús eiga á félagssvæðinu, þ. e. á því svæði, sem skipulagsuppdráttur nær yfir, að vera meðlimir vatnsveitufélagsins. Félagsskylda er því skilyrði háð, að húseiganda séu látin í té afnot af vatni því, sem félagið hefur umráð yfir á hverjum tíma.

## 4. gr.

Vatnsskatt skal innheimta árlega af hverri íbúð eða innlögn. Skal félagsstjórn tiltaka upphæð skattsins þannig, að hann nægi til greiðslu vaxta og afborgana stofnkostnaðar við leiðslur vatnsveitunnar, rekstrarkostnaðar vatnsveitunnar og viðhald hennar.

Geri tekjur félagsins betur en að hrökkva fyrir gjöldum þess, skal tekjuafgangi ráðstafað samkvæmt ákvörðun aðalfundar. Gjöld samkvæmt 1. mgr. þessarar greinar, ásamt öllum innheimtukostnaði, má taka lögtaki, og skulu þau njóta sama forgangsréttar í þrotabúum, sem skattar og gjöld til ríkisins.

Á hverri innlögn skal vera lokunarkrani, sem loka má og innsigla, ef ekki er staðið í skilum með greiðslur gjalda til félagsins.

Eignir félagsins standa til fullnustu skuldbindingum þess. Enginn félagsmanna ber ábyrgð á þeim umfram þau gjöld, sem þeim er gert að greiða til félagsins, samkvæmt ákvæðum samþykktar þessarar. Til þess að skuldbinda félagsmenn vegna félagsins umfram það, sem nú er sagt, þarf samþykki  $\frac{3}{4}$  allra félagsmanna á lög-  
mætum fundi.

## 5. gr.

Félagsstjórn er skylt að boða til félagsfundar, ef 5 félagar eða 2 stjórnarmeðlimir krefjast þess, enda tiltaki þeir hvert sé tilefni kröfunnar.

## 6. gr.

Félagsfundur er lögmætur, ef helmingur félagsmanna sækir hann, enda hafi verið löglega til fundarins boðað. Hafi tvisvar verið boðaður félagsfundur vegna ónógrar fundarsóknar, skal síðari fundurinn talinn lögmætur, hver svo sem fundarsókn verður og svo framarlega, sem fundurinn hefur verið löglega boðaður.

Fundur er löglega boðaður, sé fundarboð auglýst á opinberum stað, að minnsta kosti 2 sólarhringum áður en fundurinn á að hefjast. Þó er fundur löglega boðaður, þótt fyrirvari sé skemmri, ef hverjum félagsmanni er tilkynnt fundarboðið persónulega, en þá verður félagsstjórnin að geta sannað, að hún hafi náð til  $\frac{3}{4}$  félagsmanna, að minnsta kosti.

## 7. gr.

Á félagsfundi hafa allir félagsmenn jafnan atkvæðisrétt og ræður afl atkvæða úrlitum. Félagsmaður getur ekki falið öðrum að fara með atkvæði sitt.

## 209

30. nóv.

Aðalfundur félagsins skal haldinn eigi síðar en 1. apríl ár hvert. Skal til hans boðað með auglýsingu á opinberum stað með a. m. k. tveggja sólarhringa fyrirvara. Aðalfundur er lögmætur ef  $\frac{3}{4}$  félagsmanna sækja hann. Hafi þrisvar verið boðað til aðalfundar vegna ónógrar fundarsóknar, telst þriðji fundur lögmætur, hver svo sem fundarsókn er.

Á aðalfundi skulu teknar ákvarðanir um starfsemi félagsins á árinu, lagðir fram endurskoðaðir reikningar þess og kosnir þrír menn í stjórn og þrír til vara, og tveir endurskoðendur og einn til vara, allir til eins árs í senn.

Liggi fyrir aðalfundi önnur mál en venjuleg aðalfundarstörf, skal þeirra getið í fundarboði.

## 9. gr.

Færa skal gerðabók um aðalfund félagsins og almenna félagsfundi. Skal fundarritari lesa fundargerðina í lok fundar og undirrita hana síðan samþykkt á samt formanni félagsstjórnar eða fundarstjóra.

## 10. gr.

Stjórn félagsins skiptir sjálf með sér verkum. Starf stjórnar og endurskoðenda skal vera ólaunað.

Formaður stjórnarinnar kveður stjórnina saman til funda og boðar til félagsfunda og aðalfundar. Stjórnarfundir eru því aðeins lögmætir, að allir stjórnarmenn séu mættir. Í forföllum aðalmanna taka varamenn sæti í stjórninni í þeirri röð, sem atkvæðamagn þeirra segir til um. Séu atkvæði jöfn ræður hlutkesti.

Færa skal gerðabók stjórnarfundar og skal ritari stjórnarinnar lesa fundargerð í lok hvers fundar og undirrita á samt formanni, þegar hún hefur verið samþykkt.

## 11. gr.

Stjórn félagsins er heimilt að ráða vatnsveitunni umsjónarmann, til þess að annast viðgerðir og viðhald vatnsveitunnar.

## 12. gr.

Félaginu skal slíta, ef ályktun um það er samþykkt á tveim lögmætum félagsfundum í röð, enda sé ályktuninni fylgjandi eigi færri en  $\frac{2}{3}$  allra félagsmanna.

Um skipti og meðferð á eignum félagsins fer eftir ákvæðum XI. kafla vatnalaga nr. 15 20. júní 1923, og fyrirmælum skiptalaganna eftir því, sem við á. Verði eignir umfram skuldir, skal þeim skipt milli félagsmanna, að rétttri tiltölu við þá fjárhæð, sem hver hefur samtals greitt til félagsins.

## 13. gr.

Verði félaginu slitið, skal Rangárvallahreppur eiga rétt til að kaupa eignir félagsins fyrir matsverð, ef ekki nást samningar um verðið. Til matsins skal hvor aðila nefna tvo menn, en sýslumaður Rangárvallasýslu skipar oddamann.

## 14. gr.

Samþykktum þessum verður ekki breytt nema á aðalfundi, enda hafi breytinga-tillagnanna verið getið í fundarboði og a. m. k.  $\frac{2}{3}$  atkvæðisbærra fundarmanna séu samþykktir þeim.

Samþykkt þessi staðfestist hér með samkvæmt vatnalögum nr. 15 20. júní 1923, 209  
til þess að öðlast gildi þegar í stað og birtist til eftirbreytni öllum þeim, sem hlut 30. nív.  
eiga að máli.

*Félagsmálaráðuneytið, 30. nóvember 1960.*

F. h. r.

**Hjálmar Vilhjálmsson.**

*Hallgrímur Dalberg.*

## G J A L D S K R Á

fyrir Rafmagnsveitu Reykjavíkur.

210

30. nív.

### I. RAFORKA

Rafmagnsveita Reykjavíkur selur raforku á þann hátt og við því verði, sem hér segir:

#### A. Lýsing.

Þar sem raforkan er aðallega notuð til lýsingar, skal hún seld:

1. Um kwst.mæli á 338 aura hver kwst.
2. Um hemil eða hemil-mæli á 426 kr. hvert árshektóvatt, og skal hemilstillingin ávallt standa á heilu hw. og bil milli tveggja stillinga eigi vera minna en 10% hinnar hærri. Umframnotkun skal seld samkv. gjaldskrárlið A 1.  
Samkvæmt þessum lið má selja útiljós, enda þótt mælitækjum verði ekki við komið. Þenna gjaldskrárlið má nota fyrir götulýsingu, enda greiði notandi þá viðhald að auki.

3. Um kwst.mæli á 85 aura hverja kwst., auk fastagjalds, er nemi 426 kr. á ári fyrir allt að 25 m<sup>2</sup> gólfplatarmáls í rúmi því, er lýsa skal, og 13 kr. fyrir hvern m<sup>2</sup> umfram 25<sup>2</sup>. Fullt flatarmál skal greiða af gólfleti í búðum, vinnustofum og skrifstofum, en fyrir geymslur og ganga skal deila fermetragjaldinu með 3.5.
4. Á 334 kr. fyrir hvert kw. og öll notkun á 85 aura kwst., ef um meira en 2.5 kw afl er að ræða, og notkunartíminn er meiri en 600 klst. á ári. Verði ekki aflmælingu við komið undir þessum gjaldskrárlið, skal reikna 15 wött á hvern fermetra gólfplatarmáls.  
Sé notuð lýsing með flúrlömpum, er heimilt að miða gjald samkv. 1.—4. tölul. við voltampere í stað watta.

#### B. Rafmagn til almennrar heimilisnotkunar.

1. Um tvönnu kwst.mæla, annan til ljósa, en hinn til heimilisvéla. Um ljósamælinn reiknast ljósagjald samkv. A 1, á hinn mælinn 85 aurar á kwst. Þenna gjaldskrárlið má einnig nota fyrir skrifstofur, verzlánir og verkstæði, en þó ekki fyrir 3-fasa hreyfla.
2. Um einn kwst.mæli á 75 aura hver kwst., og auk þess fastagjald kr. 72.00 á ári af hverju íbúðarherbergi heimilisins.

Eftir þessum gjaldskrárlið má selja rafmagn til suðu til veitingahúsa, gisti- húsa og annarra slíkra staða, sem ekki verða talin heimili, enda sé þá rafmagnið selt um sérmæli og leiga goldin af sérmælinum, en herbergjagjald ekki reiknað.

Selja má og til súgþurrkunar á heyi samkvæmt þessum gjaldskrárlið.